



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K.Gradašćevića 54, 76 250 Gradačac, telefon 035-369-750, fax. 035-369-751, e-mail: [opc.vijecfe@bih.net.ba](mailto:opc.vijecfe@bih.net.ba).

Na osnovu člana 24., Statuta općine Gradačac („Službeni glasnik općine Gradačac“, br. 4/08, 5/12, 1/17, 5/18 i 8/18), u vezi sa stavom (1) alineja 4., člana 27. Poslovnika Općinskog vijeća Gradačac (Prečišćeni tekst Poslovnika o radu „Sl. glasnik općine Gradačac“, br. 3/14), na prijedlog Komisije za Statut i opća akta, Općinsko vijeće Gradačac na \_\_\_\_ . sjednici održanoj \_\_\_\_\_.2019. godine, d o n o s i

**Prijedlog**

**ODLUKU**  
**o izmjeni i dopuni Poslovnika Općinskog vijeća Gradačac**

**Član 1.**

U Poslovniku Općinskog vijeća Gradačac (Prečišćeni tekst Poslovnika o radu “Sl. glasnik općine Gradačac”, br. 3/14), član 47. mijenja se i glasi:  
„Poziv sa prijedlogom dnevnog reda i materijali za sjednice Općinskog vijeća upućuju se elektronskim putem najmanje sedam dana prije održavanja sjednice Općinskog vijeća vijećnicima, Općinskom načelniku, pomoćnicima Općinskog načelnika i ostalim učesnicima na sjednici.

Izuzetno, Kolegij Općinskog vijeća, prilikom zakazivanja sjednice, može odlučiti da se poziv za sjednicu Vijeća sa materijalima, ili pojedini materijali, dostave u printanoj formi.

**Član 2.**

Ova Odluka stupa na snagu osmog dana od dana objavljivanja u “Službenom glasniku Općine Gradačac”.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
**-Općinsko vijeće-**

Broj: 01-05- /19  
Gradačac, \_\_\_\_ . 2019.godine

**PREDSJEDAVAJUĆI**  
**OPĆINSKOG VIJEĆA**

Šakić Enir, prof. s.r.

## **O b r a z l o ž e n j e**

Na 29. sjednici Komisije za Statut i opća akta, održanoj dana 27.11.2018. godine, donesen je zaključak da se radi uspostave rada u elektronskoj formi - "Informacionog sistema "E-vijeće", čija je realizacija suštinski već počela od 2015. godine, za dalji napredak ka uspostavi kompletnog sistema koji podrazumijeva novi pristup radu Općinskog vijeća primjenom modernih komunikacija i tehnologija, pripremi Prijedlog Odluke o izmjeni i dopuni Poslovnika, u smislu da svi materijali za sjednicu budu dostupni na zvaničnoj stranici Općine Gradačac, odnosno Općinskog vijeća u elektronskom obliku, kao i mogućnost da svaki vijećnik dobije mail adresu tipa [ime.prezime@vijecegradacac.ba](mailto:ime.prezime@vijecegradacac.ba), radi preuzimanja poziva i materijala.

Na osnovu ovog zaključka, pripremljen je tekst Nacrta Odluke, u smislu da poziv sa prijedlogom dnevnog reda i materijali za sjednice Općinskog vijeća upućuju elektronskim putem najmanje sedam dana prije održavanja sjednice Općinskog vijeća vijećnicima, Općinskom načelniku, pomoćnicima Općinskog načelnika i ostalim učesnicima na sjednici.

Izuzetno, Kolegij Općinskog vijeća, prilikom zakazivanja sjednice, može odlučiti da se poziv za sjednicu Vijeća sa materijalima, ili pojedini materijali, dostave u printanoj formi.

Komisija smatra da bi se na ovakav način došlo do znatnih ušteda, da nekoliko lokalnih zajednica u Federaciji BiH, umjesto papirnih materijala na sjednicama koriste tablete, čime je postignuta racionalizacija troškova i veća učinkovitost u procesu pripreme i održavanja sjednica, te veća transparentnost rada Općinskih vijeća i njenih radnih tijela.

Na 19. Sjednici Općinskog vijeća Gradačac, održanoj dana 27.12.2019. godine, usvojen je Zaključak o nacrtu Odluke o izmjeni poslovnika o radu Općinskog vijeća Gradačac, objavljen u "Službenom glasniku općine Gradačac", broj: 10/2018. godine.

Povodom usvojenog nacrta odluke, Komisija za Statut i opća akta Općinskog vijeća Gradačac, na sjednici održanoj dana 25.02.2019. godine, razmatrala je tačku dnevnog reda Prijedlog Odluke o izmjeni i dopuni Poslovnika, te je zaključeno da se Odluka u prijedlogu dostavi Općinskom vijeću na razmatranje i usvajanje.

**KOMISIJA ZA STATUT  
I OPĆA AKTA**